



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), na preporuku Komisije za javnu nabavku od 19.04.2023. godine, Centralna izborna komisija Bosne i Hercegovine je na 33. sjednici održanoj 19.04.2023. godine, d o n i j e l a

O D L U K U

o izboru najpovoljnijeg ponuđača

(1) Ugovor o nabavci usluga poštanske dostave izbornog materijala (preporučene pošiljke) na adrese biračima u inostranstvu za glasanje putem pošte na Prijevremenim izborima za gradonačelnika grada Živinice dodjeljuje se ponuđaču „JP BH POŠTA“ d.o.o. Sarajevo.

(2) Ocjenjeno je da ponuđena konačna cijena u iznosu od 12.475,50 KM prihvatljiva i u okviru ukupno osiguranih sredstava u budžetu Centralne izborne komisije BiH na – program posebnih namjena - PPN prijevremeni izbori Živinice.

(3) Ponuđaču iz stava 1. ove odluke, će biti dodjeljen ugovor u skladu sa elementima iz Ponude, uslovima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke **usluga poštanske dostave izbornog na adrese biračima u inostranstvu za glasanje putem pošte na prijevremenim izborima za gradonačelnika grada Živinice** proveden je putem pregovaračkog postupka bez objavljivanja obavještenja o nabavci broj: 07-2-16-3-548-1/23. Poziv za učešće i dostavljanje početne ponude objavljen 13.04.2023. godine na web stranici Centralne izborne komisije BiH i isti upućen na adresu poštanskog operatera u Bosni i Hercegovini „JP BH Pošta“ d.o.o. Sarajevo.

Komisija za javnu nabavku imenovana Odlukom broj: 07-2-16-3-548-2/23 od 13.04.2023. godine je provela postupak nabavke, u kome je dostavljena početna ponuda koja je ocjenjena kvalificiranom. Nakon poziva za dostavu konačne ponude ovaj ponuđača je dana 19.04.2023. godine, dostavio je konačnu cijenu ponude za pružanje usluga poštanske dostave pošiljaka na adrese biračima u inostranstvu na iznos od 12.475,50 KM za okvirnu količinu od 990 pošiljaka.

Komisija je sačinila Zapisnik o pregledu i ocjeni početne i konačne ponude u provedenom pregovaračkom postupku bez objavljivanja obavještenja o nabavci broj: 07-2-16-3-548-12/23 od 19.04.2023. godine, u kome je konstatovala i uputila preporuku Centralnoj izbornoj komisiji Bosne i Hercegovine za izbor ponude ponuđača „JP BH Pošta“ d.o.o. Sarajevo i zaključenje ugovora za **nabavku usluga poštanske dostave izbornog materijala na adrese biračima u inostranstvu za glasanje** na Prijevremenim izborima za gradonačelnika grada Živinice, jer je ponuda u skladu sa kriterijima i specifikacijom utvrđenim u tenderskoj dokumentaciji i ponuđena konačna cijena ponude u iznosu od **od 12.475,50 KM bez PDV** (usluge ne podliježu PDV) je u okviru osiguranih sredstava u Budžetu za 2023. godinu PPN-prijevremani izbori.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-548-13/23
Sarajevo, 19.04.2023. godine



Zamjenjuje predsjednika

Dr. Ahmet Šantić, član

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a